

Истиффор айтиб юрса муаммолар ечиладими?



15:00 / 03.02.2022 6683

Истиффор – Аллоҳ таолодан мағфират сўрашдир. Астағфируллоҳ дегани «Аллоҳдан гуноҳимни кечиришини сўрайман» деганидир.

Аллоҳ таоло Қуръони Каримда шундай марҳамат қилган:

لَجَّالِ اِن سَحَ اَعَاتَم مُمُكِعَّتَمِي هِي ل اِ اُوْبُوْت مُمُكُبَر اُوْرْفَعَتْ سَا ن اُو
بَادَع مُمُكِي لَعُ فَا ح ا ي ن ا ف ا و ل و ت ن ا و ة ل و ض ف ل و ض ف ي ذ ل ك ت و و ي و ي م س م
ر ي ب ك م و ي

«Роббингиздан мағфират сўранглар, сўнгра Унга тавба қилинглр, У Зот сизларни белгиланган муддатгача чиройли баҳрамандлик ила баҳраманд қилур ва ҳар бир фазл эгасига фазлини берур. Агар юз ўгириб кетсангиз, бас, албатта, мен сизларга буюк Куннинг азобидан қўрқаман» (Худ сураси, 3-оят).

Ушбу оятда Аллоҳ таолодан мағфират сўрашга ва Унга тавба қилишга буюрилмоқда. Давомида тавба ва истиффорнинг баъзи мукофотлари баён этилмоқда.

Аллоҳ таоло Нух сурасида Нух алайҳиссаломнинг ўз қавмларига айтган гапларини келтириб шундай деб марҳамат қилган:

ا ر ا ر د م مُمُكِي لَع ا م س ل ا ل س ر ي ا ر ا ف ع ن ا ك ه ن ا مُمُكُبَر اُوْرْفَعَتْ سَا ت ل و ف
ا ر ا ه ن ا مُمُك ل ل ع ج ي و ت ا ن ح مُمُك ل ل ع ج ي و ن ي ن ب و ل ا و م ا ب مُمُك د م و ي

«Роббингиздан мағфират сўранг, албатта, У кўплаб мағфират қилувчидир», - дедим». «Шунда устингизга ёмғирни мўл кўл қилиб юборадир. Ва сизга молу мулк ва бола-чақа ила мадад берадир ва сизларга боғу роғлар қилиб берур ҳамда анҳорлар қилиб берадир» (Нух сураси, 10-11-12-оятлар)

Бу оятда ҳам истиғфорнинг бир қанча фойдалари зикр этилмоқда.

Истиғфор банданинг гуноҳлари кетишига сабаб бўладиган улуғ зикрдир. Аллоҳ таоло ҳақиқага тегишли ҳар бир ёмон гуноҳ тавба ҳамда истиғфор билан афв бўлади. Шу боис қачон бир катта ёки кичк гуноҳ содир қилганда, тезлик билан тавба ёки истиғфор билан уни кетказиш лозим. Балки, яхши ишларни хилофини қилганда ҳам истиғфор айтиш керак. Зоҳиран бирор гуноҳ содир бўлмасада, ўшанда ҳам истиғфорни кўп айтиши лозим. Барча мусулмонларга маълумки, икки олам сарвари Расулulloҳ саллоллоҳу алайҳи васаллам тамомила гуноҳлардан маъсум ва пок бўлганлар. Шунга қарамай Расулulloҳ саллоллоҳу алайҳи васаллам бир кунда 70 дан зиёд тавба ва истиғфор айтардилар.

هَلَلِى لَصَّهَلَلِى لَوْسَرُّتَعَمَس : لاق هنع هَلَلِى يضره ريره بَأ نعو
مَوِي لَ يِفِ هَيْلِ بُوْتَأَو هَلَلِى رَفْعُتَسْأَلِ يِّنِ هَلَلِى أَو : لوقى ملسو هيلع
يراخبال هاور . « ؤرم نىغَبَسْ نَم رَثْكَأ

Абу Ҳурайра розияллоҳу анҳудан ривоят қилинади:

«Мен: «Набий соллаллоҳу алайҳи васалламнинг: **«Аллоҳга қасамки, мен бир кунда Аллоҳга етмиш мартадан кўп истиғфор айтиб, Унга тавба қиламан»,** деяётганларини эшитдим». (Бухорий ривояти).

Ўзимизга шундай таъкидли савол берайлик: “Инсонларнинг гултожи, Пайғамбарларнинг имоми, олдинги ва кейинги гуноҳлари кечирилган зот кунига етмиш марта истиғфор айтганларидан кейин мен ким бўлибманки, истиғфор айтмасам! Нимамага кериламан?! Қайси гуноҳларим кечирилгани хабар қилинди?! Шундай экан, кунига юз марта эмас, беш юз марта, минг марта истиғфор айтишим керак!”

هَيْلَع هَلَلِى لَصَّهَلَلِى لَوْسَرُّ لاق : لاق امهنع هَلَلِى يضره سابع نبا نع
مَّهَلُّكُ نَمَوَّاجَّحَمِّ قِيضُ لُّكُ نَمُ هَلُّ هَلَلِى لَعَجَّ رَافْعُتَسْأَلِ مَزَلُّ نَم : ملسو
بِسْتَحْيِى الُّتَّيْحُ نَمُ هَقَزَرَو ، اَجَرْف

Ибн Аббос розияллоҳу анҳумодан ривоят қилинади:

مُوْمُوْهُمُۙ مَدَّعِيْمٌ ؕ لَّاۤ اِنۡكَارَ لِمَاۤ اَنۡزَلۡنَاۤ اِلَیۡكَ اَمۡرًا ۭ
نُورْفَعَتْ سَیۡ

«Модомики, сен уларнинг ичида экансан, Аллоҳ уларни азобламас. Модомики, улар истиғфор айтар эканлар, Аллоҳ уларни азобловчи эмас» (Анфол сураси, 33-оят).

Ҳасан Басрий раҳимаҳуллоҳ «Истиғфор айтган кишини Аллоҳ азоблайди деб ўйламайман» дедилар.

«Нега бундай деяпсиз?» дейилди.

«Ўзи бир бандага истиғфорни илҳом қилиб туриб, уни яна қандай азоблайди?» дедилар.

Миянгиз роҳатини истайсизми, истиғфор айтинг!

Кўнглингиз кенгайишини истайсизми, истиғфор айтинг!

Нафсингизга сокинлик истайсизми, истиғфор айтинг!

Қалб хотиржамлигини истайсизми, истиғфор айтинг!

Чиройли матоъ истайсизми, истиғфор айтинг!

Кўп ёрдам истайсизми, истиғфор айтинг!

Пок, солиҳ зурриёд истайсизми, истиғфор айтинг!

Ҳалол мол истайсизми, истиғфор айтинг!

Кенг ризқ истайсизми, истиғфор айтинг!

Ёмонликлар ўчирилишини истайсизми, истиғфор айтинг!

Яхшиликлар зиёда бўлишини истайсизми, истиғфор айтинг!

Даражалар кўтарилишини истайсизми, истиғфор айтинг!

Али розияллоҳу анҳу: «Агар Роббинг сени истиғфор айтишга илҳомлантириб қўйган бўлса, билгинки, У сени мағфират қилишни истаяпти».

Инсоннинг бадани, кийими кир бўлса, уни совун, шампун ва яна бошқа воситалар билан тозалайди. Аммо қалб кирланса, уни совун билан поклашнинг иложи йўқ. Қалбнинг совуни - истиффордир. Истиффорни кўп айтиш билан қалб покланади. Аста-секин бу поклик баданга ҳам ўтади. Танадаги асосий аъзо бўлмиш қалб яхши бўлса, қолган барча аъзолар ҳам яхши бўлади. Агар қалб бузилса, бошқа аъзолар ҳам бузилади.

Зуннун Мисрий раҳимаҳуллоҳ дедилар:

«Жасаднинг касаллиги оғриқлардадир. Қалбларнинг касаллиги гуноҳлардадир. Жасад касал бўлган пайтда таомнинг лаззатини ҳис қилмаганидек, қалб гуноҳлар сабабли ибодат ҳаловатини топмайди».

(«Сифатус софва», 4-жилд, 509-бет).

Ҳа, азизлар! Гуноҳ бизларнинг бошимизга дунё ва охирада кўп зарарлар келишига сабаб бўлади. Барчамиз тавба ва истифорга шошилайлик! Қалбларимизни тозалашга, уни оппоқ ҳолга келтиришга ҳаракат қилайлик! Агар биз қалб поклигини, нафс хотиржамлигини, ризқ кенглигини, тоат муҳаббатини, маъсият нафратини ва энг муҳими Аллоҳ розилигини хоҳласак, гуноҳдан эҳтиёт бўлайлик! Гуноҳлардан узоқ юришга ҳаракат қилайлик! Ҳаракатни эса ҳозирдан, айна дақиқадан, шу мақолани ўқиб бўлишимиз биланоқ бошлайлик! Аллоҳ бу ишда барчамизга Ўз мададкор бўлсин! Омин!

Фойдаланилган манбалар:

Islom.uz

Quran.ksu.edu.sa

savollar.islom.uz

Vakillik.uz

Нозимжон Ҳошимжон